

ÁKVÖRÐUN FRAMKVÆMDASTJÓRNARINNAR

2015/EES/63/04

frá 31. mars 2010

um spurningalistann fyrir skýrslugjöf sem tengist reglugerð Evrópuþingsins og ráðsins (EB) nr. 166/2006 um að koma á fót Evrópuskrá yfir losun og flutning mengunarefna og um breytingu á tilskipunum ráðsins 91/689/EBE og 96/61/EB*(tilkynnt með númeri C(2010) 1955)*

(2010/205/ESB) (*)

FRAMKVÆMDASTJÓRN EVRÓPUSAMBANDSINS HEFUR,
með hliðsjón af sáttmálanum um starfshætti Evrópusambandsins,

með hliðsjón af reglugerð Evrópuþingsins og ráðsins (EB) nr. 166/2006 frá 18. janúar 2006 um að koma á fót Evrópuskrá yfir losun og flutning mengunarefna og um breytingu á tilskipunum ráðsins 91/689/EBE og 96/61/EB ⁽¹⁾, einkum 16. gr.,

með hliðsjón af tilskipun ráðsins 91/692/EBE frá 23. desember 1991 um að staðla og einfalda skýrslur um framkvæmd vissra tilskipana um umhverfismál ⁽²⁾,

og að teknu tilliti til eftirfarandi:

- 1) Í 1. mgr. 16. gr. reglugerðar (EB) nr. 166/2006 er þess krafist að skýrsla um framkvæmd reglugerðarinnar, sem byggð er á upplýsingum frá síðustu þremur skýrslugjafarárum, verði tekin saman í samræmi við málsmeðferðina sem mælt er fyrir um í 2. mgr. 16. gr. reglugerðar (EB) nr. 166/2006.
- 2) Í 2. mgr. 16. gr. reglugerðar (EB) nr. 166/2006 er þess krafist að samin verði skýrsla á grundvelli spurningalista sem framkvæmdastjórnin útbýr með aðstoð nefndarinnar sem komið var á fót skv. 1. mgr. 19. gr. reglugerðarinnar.

- 3) Fyrsta skýrslan tekur til tímabilsins frá 2007 til 2009, að báðum árunum meðtöldum.
- 4) Ráðstafanirnar, sem eru fyrirhugaðar með þessari ákvörðun, eru í samræmi við álit nefndarinnar skv. 19. gr. reglugerðarinnar.

SAMÞYKKT ÁKVÖRÐUN ÞESSA:

1. gr.

Aðildarríkin skulu nota spurningalistann fyrir skýrslugjöf, sem er að finna í viðaukanum við þessa ákvörðun, sem grundvöll við samningu skýrslunnar sem á að leggja fyrir framkvæmdastjórnina skv. 1. mgr. 16. gr. reglugerðar (EB) nr. 166/2006.

2. gr.

Ákvörðun þessari er beint til aðildarríkjanna.

Gjört í Brussel 31. mars 2010.

Fyrir hönd framkvæmdastjórnarinnar,

Janez POTOČNIK

framkvæmdastjóri.

(*) Þessi ESB-gerð birtist í Stjtið. ESB L 88, 8.4.2010, bls. 18. Hennar var getið í ákvörðun sameiginlegu EES-nefndarinnar nr. 153/2011 frá 2. desember 2011 um breytingu á XX. viðauka (Umhverfismál) við EES-samninginn, sjá *EES-viðbætur við Stjórnartíðindi Evrópusambandsins* nr. 15, 15.3.2012, bls. 42.

⁽¹⁾ Stjtið. ESB L 33, 4.2.2006, bls. 1.

⁽²⁾ Stjtið. EB L 377, 31.12.1991, bls. 48.

VIÐAUKI

SPURNINGALISTI FYRIR SKÝRSLUGJÖF

Viðbótarupplýsingar sem aðildarríkin eiga að leggja fram skv. 16. gr. reglugerðar (EB) nr. 166/2006 um að koma á fót Evrópuskrá yfir losun og flutning mengunarefna og um breytingu á tilskipunum ráðsins 91/689/EBE og 96/61/EB

Almennar athugasemdir:

Þessi spurningalisti inniheldur spurningar sem krafist er að aðildarríkin svari varðandi framkvæmd reglugerðar um Evrópuskrá yfir losun og flutning mengunarefna næstliðin þrjú síðustu skýrslugjafarár.

Aðildarríkin skulu gera svörin við spurningalistanum aðgengileg á rafrænu formi.

1. ALMENN LÝSING

Gefið stutta lýsingu á ferlinu við samantekt þessarar skýrslu, þ.m.t. upplýsingar um það hvaða opinberu yfirvöld hafa lagt sitt af mörkum.

2. LAGALEGAR RÁÐSTAFANIR VIÐ AÐ KOMA Á FÓT KERFI YFIR LOSUN OG FLUTNING MENGUNAREFNA (5. og 20. GR.)

Tilgreinið löggjafarráðstafanir, stjórnvaldsráðstafanir og aðrar ráðstafanir við að koma á fót samþættri skrá yfir losun og flutning mengunarefna.

Lýsið einkum ráðstöfunum sem aðildarríkin samþykktu í samræmi við ákvæði 20. gr. til að tryggja að reglur um viðurlög væru skilvirkar, í réttu hlutfalli við brotið og letjandi og hvernig reynslan var af beitingu þeirra.

3. TILKYNNINGARSKYLDIA, UPPLÝSINGAR UM REKSTRAREININGAR, LÖGBÆR YFIRVÖLD OG GÖGN SEM SKULU KOMA FRAM Í SKÝRSLUNNI (5. GR.)

Tilgreinið löggjafarráðstafanir, stjórnvaldsráðstafanir og aðrar ráðstafanir sem ákvarða tilkynningarskyldu vegna losunar og flutnings mengunarefna.

Lýsið einkum lögbærum yfirvöldum sem eru tilnefnd til að gefa upplýsingar um rekstrareiningar Evrópuskrár yfir losun og flutning mengunarefna og safna upplýsingum um losun mengunarefna frá punktuþptökum. Vinsamlegast lýsið tilkynningarskyldu og tilgreinið ferli við söfnun gagna vegna losunar og flutnings mengunarefna í landinu, skráið tegundir stofnana sem eiga í hlut og hvaða hluta fullgildingaraðgerðanna þær bera ábyrgð á, með því að nota töfluna hér á eftir:

Stofnun Ferli Fullgilding af hálfu þessarar stofnunar

Rekstrareining:

Staðaryfirvöld:

Svæðisyfirvald:

Landsyfirvald:

Umhverfisráðuneyti:

4. VENJUR VIÐ SKÝRSLUGJÖF UM LOSUN OG FLUTNING MENGUNAREFNA (5. GR.)

Fyrir hvert skýrslugjafarferli frá síðasta spurningalista, vinsamlegast tilgreinið:

- fresti til að gefa lögbæru yfirvaldi skýrslu,
 - vandkvæði við að virða eindaga fyrir skýrslugjöf, hvort mismunandi eindagar rekstrareininga til skýrslugjafar og til að hafa upplýsingarnar aðgengilegar almenningi í skránni voru virtir í reynd og ef um seinkun var að ræða, ástæðuna fyrir því,
 - hlutfall rafrænnar skýrslugjafar samanborið við gögn sem rekstraraðilar skiluðu á pappírformi og lýsingu á skýrslugjöf og tækjum sem eru tiltæk, bæði fyrir rekstraraðila og lögbær yfirvöld,
 - helstu vandkvæði fyrir rekstraraðila og lögbær yfirvöld varðandi skýrslugjöf um gögn um losun og flutning mengunarefna (vinsamlegast svarið frá sjónarmiði yfirvaldanna).
5. GÆÐATRYGGING OG GÆÐAMAT GAGNA (1., 2. OG 3. MGR. 9. GR.)

Lýsið reglum, málsmeðferðarreglum og ráðstöfunum til að tryggja gæði gagnanna, sem skráð eru samkvæmt Evrópuskrá yfir losun og flutning mengunarefna, og hvað þær leiða í ljós um gæði gagnanna sem greint er frá.

Veitið einkum upplýsingar um eftirfarandi:

- mat lögbærra yfirvalda á heilleika, samræmi og trúverðugleika gagnanna sem rekstraraðilar leggja fram,
- aðferðafræði og málsmeðferðarreglur sem lögbær yfirvöld samþykkja sem leiddu af sér framlagningu gagna af meiri gæðum.

6. AÐGANGUR ALMENNINGS AÐ GÖGNUM UM LOSUN OG FLUTNING MENGUNAREFNA (2. MGR. 10. GR.)

Lýsið því hvernig aðgangur almennings að upplýsingunum, sem er að finna í skránni, er auðveldaður.

Veitið einkum upplýsingar um eftirfarandi:

Ef rafrænn aðgangur almennings að upplýsingunum í Evrópskránni um losun og flutning mengunarefna er ekki greiður: til hvaða ráðstafana hefur verið gripið til að greiða fyrir aðgangi að skránni á stöðum sem eru aðgengilegir almenningi.

7. TRÚNAÐARKVÖÐ (2. MGR. 7. GR., 11. GR.)

Ef trúnaður ríkir um einhverjar upplýsingar: tilgreinið tegund upplýsinga, ástæðuna fyrir trúnaðinum og hversu oft upplýsingum hefur verið haldið eftir. Gerið einkum stuttlega grein fyrir eftirfarandi:

- a) tegund gagna sem trúnaður hefur ríkt um,
- b) helstu ástæðum sem gefnar eru fyrir kröfu um trúnað,
- c) fjölda rekstrareininga með trúnaðargögn á hverja starfsemi í I. viðauka og heildarfjölda rekstrareininga sem gefur skýrslu á hverja starfsemi í I. viðauka.

Vinsamlegast leggið fram athugasemdir um fengna reynslu og áskoranir sem komu upp að því er varðar að fjalla um kröfur um trúnaðarkvöð í samræmi við 4. gr. tilskipunar Evrópuþingsins og ráðsins 2003/4/EB, einkum að því er varðar upplýsingar um losun og flutninga eins og skilgreint er í III. viðauka.
